



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Fundatio Monasterij Aetl.

urn:nbn:de:hbz:466:1-13578

ADDITIONES.

Fundatio Monasterij Actl.

IN nomine Sanctæ & indiuiduæ Trinitatis. Anno Incarnationis Dominicæ M. LXXXVII. Ego *Engilbertus Halensium Comes* locum *Atilensem*, sub titulo Sanctæ Dei genitricis *Mariæ* perpetuæ virginis, sancti quoque *Michaëlis* Archangeli in territorio *Frisingensi* restauraui. Idem namque locus prisceis temporibus à Principibus de *Diesin* magna prædiorum copia nobiliter est fundatus, sed à peruersis hominibus, & maxime à quodam *Friderico* cognomento *Hocke*, personis expulsis, rebus abstractis, ita destructus est, ut tribus tantum præbendariis illic remanentibus vix tandem paruissimum pristinae habitationis ibidem seruetur indicium. Sed quia tandem diuina clementia eundem locum suo sancto seruitio denuo mancipari voluit. Ego *Engilbertus Halensium Comes*, diuino compunctus amore Castrum meum *Lintburc*, quod tunc temporis præclara ciuium numerositate inhabitabatur, ex affectu quem pro restauratione loci *Atilensis* conceperam, hilari mente destruxi, & domum meam in castrum *Wasserburg* pro ampliacione, & pro situs monasterij commoditate transtuli, & quæcunque possessa fuerant in ipso monte, culta & inculta, à meis ministerialibus aliis prædiis commutauit, & in possessionem Monasterij tradidi. Post hoc conuocatis nobilioribus *Bauariæ*, amicis & ministerialibus meis, diligenti indagacione capri inuestigare, vbi prædia inuenirentur, quæ de iure foedi à prima institutione Monasticæ religionis ad ipsum locum, sine contradictione pertinentia videntur. Inuenta autem sunt hæc in ipso monte, & sub ipso culta & inculta, ad XII. aratra, octo Ecclesiæ cum dote & decimis earum, quarum nomina hæc sunt: *Atila*, *Kimerberg*, *Albrantsperg*, *Ki-te*, *Etlingen*, *Gerute*, *Hohenarve*, Capella in *Wasserburg*; pro quarum dotis & decimarum commutatione communi consilio & testimonio Principum & Nobilium *Bauariæ*, Comitis videlicet *Berehtholdi* de *Andechs*, *Sifridi* Comitis in *Hochenburg*, *Chunonis* de *Megilingen*, *Herrandi* de *Amrangi*, *Burckardi* de *Messure*, aliorumque multorum consensu, Chori *Frisingensis*, in presentia Domini *Otonis* Episcopi, astanti omni clero suo, tradidi ad aram Sanctæ *Mariæ Frisingen*. Ecclesiæ, Decimalem turrem in *Ardingen*, & mansum dimidium sub ipso monte situm, ad exponendum ibi vinum *Frisingen*. Ecclesiæ. Denique à principibus quos profati sumus, & à multis aliis nobilibus, adhuc inuenta sunt, ad locum *Atilensem* pertinentia, a flumine *Ebrach*, vsque ad ripam *Kazpach*, prata, pascua, culta & inculta, apud *Albrantsperg* quatuor mansus, *Pruckhe* molendinum, *Rashart* curtis, *Vichusen* duæ curtes, *Chorenperg* duæ curtes, de cunctis verò quæ possidet in omnibus castris meis *Wasserburg*, *Viechtenstein*, *Grisinstain*, *Werberg*, pecorum videlicet, carniū, caseorum, volatiliū, & omnium victualium meorum decimas *Atilensi* monasterio tradidi. Si quis autem huic traditioni nostræ obuiare voluerit, vel de supradictis possessionibus aut decimis aliquid minuere præsumserit, sine filij mei, seu qualibet persona, anathema sit in secundo aduentu Domini: conseruantibus autem ea, quæ præfato Canobio perpetuo iure mancipauimus, sit merces quam præparauit Deus diligentibus se, ut autem traditio nostra inconuulsa permaneat, præsentē paginam supradictis testibus & sigilli nostri impressione munimus & ratificamus.

Alexander Episcopus, seruus seruorum Dei, dilectis filiis *Egolpho* Abbati